



J.P. MEĐUNARODNI AERODROM "SARAJEVO" D.O.O.

Kurta Schorka 36, 71210 Sarajevo, Bosna i Hercegovina

Registровано kod: Općinski sud Sarajevo, MBS 65-01-0419-11; JIB 4200068970001; Carinski broj 200068970001
RACUN: 3387302205238447, UniCredit banka d.d. Mostar, BH

Vrsta dok.	Izdavač	RB
DOP	5 01	2422

Strana:
1 od 1

Broj protokola:

05-1-25-1-5875-21/23

JAVNO

DATUM: 01.11.2023. godine

PRIMALAC: **SARAJEVO-OSIGURANJE d.d. Sarajevo**
CROATIA-OSIGURANJE d.d. Mostar
ASA CENTRAL OSIGURANJE d.d. Sarajevo
EUROHERC OSIGURANJE d.d. Sarajevo

PREDMET: Obavijest o izboru najpovoljnije ponude u postupku javne nabavke usluge:
Osiguranje uposlenika od nezgode i invaliditeta

VEZA: Naš broj: 5875/23

Poštovani,

na osnovu člana 71. Zakona o javnim nabavkama ("Službeni glasnik BiH", broj 39/14 i 59/22) obavještavamo vas da je, nakon okončane procedure prikupljanja ponuda za nabavku usluge: Osiguranje uposlenika od nezgode i invaliditeta, provedene metodom Otvoreni postupak, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo, koja vam se dostavlja u prilogu, kao najpovoljnija ponuda za nabavku predmetne usluge ocjenjena ponuda ponuđača SARAJEVO-OSIGURANJE d.d. Sarajevo.

S poštovanjem,


DIREKTOR
Alan Bajić

Prilog: Odluka o izboru ponude;

DOSTAVLJENO:

1. Ponuđačima
2. Upravi Društva
3. Sektoru za administrativnu podršku
4. a/a

DOP PR 05-00 03 01 Dopis, 1. izdanje/Rev 0



	Tel	Fax	E-mail
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	opoc@sarajevo-airport.ba
WEB	www.sarajevo-airport.ba	/	/







UPRAVA	Strana: 1 od 3
Broj protokola: 05-1-25-1-5875-20/23	JAVNO

Datum: 01.11.2023. god.

Na osnovu člana 70., a u vezi sa članom 25. Zakona o javnim nabavkama („Službeni glasnik BiH“, broj 39/14 i 55/22) i člana 45. Statuta J.P. Međunarodni aerodrom "SARAJEVO" d.o.o. Sarajevo, te Izvještaja i preporuke Komisije za provođenje postupka javne nabavke usluge: Osiguranje uposlenika od nezgode i invaliditeta, broj: 05-3-25-1-5875-19/23 od 27.10.2023. godine, Uprava J.P. Međunarodni aerodrom "SARAJEVO" d.o.o. Sarajevo, na 172. sjednici, održanoj dana 01.11.2023. god., donosi

ODLUKU

I

Kao najpovoljnija ponuda za nabavku usluge: Osiguranje uposlenika od nezgode i invaliditeta, ocjenjuje se ponuda ponuđača SARAJEVO-OSIGURANJE d.d. Sarajevo, broj 01-7395/23, zavedena na protokol J.P. Međunarodni aerodrom "SARAJEVO" d.o.o. Sarajevo dana 10.10.2023. god., pod brojem: 05-1-25-1-5875-5/23, koji je ponudio najnižu cijenu za predmetnu nabavku, u iznosu od: 131.464,00 KM (slovima: stotintridesetjednihiljadačetristošezedesetičetiri KM), bez PDV-a.

II

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci usluge iz tačke I ove Odluke, kojim će se regulisati međusobna prava i obaveze ugovornih strana.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku usluge: Osiguranje uposlenika od nezgode i invaliditeta, direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke, broj: 05-3-25-1-5875-3/23 od 21.09.2023. god., a Rješenjem, broj: 05-1-25-1-5875-4/23 od 25.09.2023. god., imenovao Komisiju za provođenje postupka.

U skladu sa naprijed navedenom Odlukom, J.P. Međunarodni aerodrom "SARAJEVO" d.o.o. Sarajevo (u daljem tekstu: Društvo) je na portalu javnih nabavki dana 21.09.2023. god. objavilo obavještenje o nabavci, broj obavještenja: 246-1-2-155-3-38/23. Do ostavljenog roka za predaju ponuda, 11.10.2023. god., do 12,00 sati, na adresu Društva ponudu su dostavila 4 (četiri) ponuđača, i to: SARAJEVO-OSIGURANJE d.d. Sarajevo, CROATIA-OSIGURANJE d.d. Mostar, ASA CENTRAL OSIGURANJE d.d. Sarajevo i EUROHERC OSIGURANJE d.d. Sarajevo.

Na javnom otvaranju ponuda, održanom isti dan u 12,30 sati, bez prisustva predstavnika ponuđača, pročitani su nazivi ponuđača i ponuđene cijene, i to:

- SARAJEVO-OSIGURANJE d.d. Sarajevo: 133.066,80 KM, bez PDV-a;
- CROATIA-OSIGURANJE d.d. Mostar: 133.466,40 KM, bez PDV-a;
- ASA CENTRAL OSIGURANJE d.d. Sarajevo: 133.466,40 KM, bez PDV-a;
- EUROHERC OSIGURANJE d.d. Sarajevo: 133.466,40, bez PDV-a.

Nakon javnog otvaranja ponuda, Komisija se sastala radi detaljne analize ponuda, te je nakon izvršene analize konstatovala kako slijedi:

1. SARAJEVO-OSIGURANJE d.d. Sarajevo

Nakon detaljnog pregleda ponude komisija je konstatovala određenu nejasnoću. Naime, tenderskom dokumentacijom u ANEKS-u III – Obrazac za cijenu ponude pod stavkom br. 1 od ponuđača je zahtjevano da upiše cijenu za naknadu štete sa progresijom za utvrđeni trajni invaliditet sa najvišim iznosom naknade od 150% iznosa osiguranja, sa uplaćivanjem dvostrukog iznosa za svaki stepen invaliditeta koji prelazi 50%.

S obzirom da u uslovima osiguranja koje je dostavio ponuđač u sklopu ponude nema tablice za određivanje progresije trajnog invaliditeta u iznosu od 150% osiguranja, ali ima u postotku od 200% i 300%, od ponuđača je dana 17.10.2023. godine pismenim putem zahtjevano da dostavi pojašnjenje da li se cijena koju je ponudio odnosi na naknadu trajnog invaliditeta sa progresijom od 200% od osigurane sume, na što je ponuđač dostavio potvrđan odgovor u roku predviđenom za odgovor.

Nakon pregleda ponude u skladu sa članom 65. stav (1) Zakona o javnim nabavkama, a imajući u vidu da ponuda ispunjava sve uslove zahtijevao tenderskom dokumentacijom, komisija je ocijenila ovu ponudu formalno-pravno, tehnički i računski prihvatljivom.

Vrsta dok.	Izdavač
ODL	5-01
Strana: 2 od 3	
JAVNO	

2. CROATIA-OSIGURANJE d.d. Mostar

Nakon detaljnog pregleda ponude, komisija je konstatovala da ponuđač nije ispunio uslov zahtjevan tenderskom dokumentacijom koji se odnosi na naknadu štete sa progresijom za utvrđeni trajni invaliditet sa najvišim iznosom naknade od 150% iznosa osiguranja, sa isplaćivanjem dvostrukog iznosa za svaki stepen invaliditeta koji prelazi 50%. Također, zaključeno je da niti na nekom drugom mjestu u ponudi nije navedeno da ponuđač nudi zahtjevane uslove.

Ponuđač je na strani 33. ponude dostavio uvjerenje izdato do strane Agencije za nadzor osiguranja FBiH da je koeficijent riješenosti odštetnih zahtjeva (riješene/prijavljene) u 2022. godini 86,35%. Tenderskom dokumentacijom je u članu 4.4.2 pod b) zahtijevana potvrda o efikasnosti isplaćenih šteta izdata od strane nadležne Agencije za nadzor osiguranja kojom se dokazuje da je ponuđač u 2022. godini imao efikasnost isplaćenih šteta od minimalno 70%. S obzirom da se radi o dva različita pojma i dokumenta, dostavljeno u ponudi nije u skladu sa zahtjevima tenderske dokumentacije.

Imajući u vidu da je članom 57. stav (1) Zakona o javnim nabavkama određeno da je ponuđač dužan pridržavati se svih zahtjeva i uslova iz tenderske dokumentacije, komisija je ocijenila da se ispunjeni uslovi da se ova ponuda odbaci u skladu sa članom 68. stav (4) tačka i) Zakona o javnim nabavkama, s obzirom da ne ispunjava sve što je zahtijevano tenderskom dokumentacijom, te da se ponuda proglasi formalno-pravno neispravnom i neprihvatljivom.

3. ASA CENTRAL OSIGURANJE d.d. Sarajevo

Nakon detaljnog pregleda ove ponude, komisija je konstatovala da ponuđač nije ispunio uslov zahtjevan tenderskom dokumentacijom koji se odnosi na naknadu štete sa progresijom za utvrđeni trajni invaliditet sa najvišim iznosom naknade od 150% iznosa osiguranja, sa isplaćivanjem dvostrukog iznosa za svaki stepen invaliditeta koji prelazi 50%. Također, zaključeno je da niti na nekom drugom mjestu u ponudi nije navedeno da ponuđač nudi zahtjevane uslove.

Imajući u vidu da je članom 57. stav (1) Zakona o javnim nabavkama određeno da je ponuđač dužan pridržavati se svih zahtjeva i uslova iz tenderske dokumentacije, komisija predlaže da se ponuda odbaci u skladu sa članom 68. stav (4) tačka i) Zakona o javnim nabavkama, s obzirom da ne ispunjava sve što je zahtijevano tenderskom dokumentacijom, te da se ponuda proglasi formalno-pravno neispravnom i neprihvatljivom.

4. EUROHERC OSIGURANJE d.d. Sarajevo

Nakon pregleda ponude u skladu sa članom 65. stav (1) Zakona o javnim nabavkama, a imajući u vidu da ponuda ispunjava zahtijevano tenderskom dokumentacijom, komisija je ovu ponudu ocijenila formalno-pravno, tehnički i računski prihvatljivom.

Nakon pregleda i analize ponuda utvrđeno je da su 2 (dvije) od 4 (četiri) prispele ponude u cijelosti prihvatljive, te je prema ponuđenim cijenama formirana inicijalna Rang lista prihvatljivih ponuda prije provođenja e-aukcije, i to kako slijedi:

1. SARAJEVO-OSIGURANJE d.d. Sarajevo, vrijednost ponude u iznosu od 133.066,80 KM
2. EUROHERC OSIGURANJE d.d. Sarajevo, vrijednost ponude u iznosu od 133.466,40 KM

Za predmetnu javnu nabavku bila je predviđena e-aukcija, te je ista zakazana i održana, i to dana 25.10.2023. godine, s početkom u 10:00 sati.

Nakon okončanja e-aukcije, tokom koje su oba ponuđača snizili cijene iz svojih ponuda, utvrđene su nove konačne ponuđene cijene, prema kojima je utvrđena i konačna Rang lista, nakon okončane e-aukcije, i to kako slijedi:

1. SARAJEVO-OSIGURANJE d.d. Sarajevo, vrijednost ponude u iznosu od 131.464,00 KM
2. EUROHERC OSIGURANJE d.d. Sarajevo, vrijednost ponude u iznosu od 131.598,00 KM

S obzirom na naprijed navedeno, Komisija je utvrdila da je najpovoljnija ponuda za nabavku usluge: Osiguranje uposlenika od nezgode i invaliditeta ponuda ponuđača SARAJEVO-OSIGURANJE d.d. Sarajevo, koji je ponudio najnižu cijenu za predmetnu nabavku, te je predložila Upravi Društva da se ugovor za predmetnu nabavku, u vrijednosti od 131.464,00 KM, bez PDV-a, dodijeli ovom ponuđaču.

Uprava Društva je na svojoj 172. sjednici, održanoj dana 01.11.2023. god., razmotrila Izvještaj i preporuku Komisije, te je, nakon uvida u vođeni postupak, istu i prihvatila.

S obzirom na naprijed navedeno, Uprava Društva je, na osnovu člana 70. Zakona o javnim nabavkama, donijela Odluku kao u dispozitivu.

Vrsta dok.	Izdavač
ODL	5-01
Strana: 3 od 3	
JAVNO	

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.



Prilog: Zapisnik o pregledu i ocjeni ponuda;

DOSTAVLJENO:

1. Ponuđačima
2. Upravi Društva (orig.)
3. Sektoru za administrativnu podršku
 - Služba za komercijalne poslove (orig.);
 - Služba za pravne poslove i protokol;
4. Sektoru razvoja, tehnike i standardizacije
5. a/a